



ПОМОЧНИК ДИРЕКТОРА  
PRAVNA SLUŽBA



Broj: 02-04-7734-21.2/24  
Sarajevo, 07.03.2024. godine

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), a u skladu sa članom 9. stav (2) Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH", broj: 104/22) Vlada Kantona Sarajevo, na 15. sjednici održanoj 07.03.2024. godine, donijela je

## O D L U K U

### O DAVANJU SAGLASNOSTI NA PRAVILNIK O VLASTITIM JAVNIM PRIHODIMA JAVNE USTANOVE „PETA GIMNAZIJA“ SARAJEVO

#### I

Daje se saglasnost na Pravilnik o vlastitim javnim приходима Јавне установе „Peta gimnazija“, Sarajevo broj: 01-03-4104/2023 od 13.12.2023. godine.

#### II

Ova odluka stupa na snagu danom donošenja, a objavit će se u "Službenim novinama Kantona Sarajevo".



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za odgoj i obrazovanje Kantona Sarajevo,
5. Ministarstvo finansija Kantona Sarajevo,
6. Javna ustanova „Peta gimnazija“ (putem Ministarstva za odgoj i obrazovanje Kantona Sarajevo),
7. Za objavu u "Službenim novinama Kantona Sarajevo",
8. Evidencija,
9. A r h i v a.

Na osnovu člana 143. Zakona o srednjem obrazovanju ("Sl.novine Kantona Sarajevo" broj: 23/17, 30/19 i 33/19), a u vezi sa članom 9. Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH", br: 104/22), te u skladu sa Smjernicama u vezi donošenja akta o vlastitim javnim prihodima broj: 11-07/01-11-1134-1/23 od 25.04.2023. godine i Izmjenama Smjernica u vezi donošenja akta o vlastitim javnim prihodima, broj: 11-07/01-11-1134-2/23 od 11.05.2023. godine, koje je donijelo Ministarstvo za odgoj i obrazovanje Kantona Sarajevo, Školski odbor na svojoj 33. sjednici održanoj dana 13.12.2023. godine donosi:

## PRAVILNIK O VLASTITIM PRIHODIMA JU PETA GIMNAZIJA SARAJEVO

### I - OPĆE ODREDBE

#### Član 1.

(Predmet)

Ovim Pravilnikom utvrđuju se:

- Vrste javnih prihoda JU Peta gimnazija ( u daljem tekstu Gimnazija)
- Uplata vlastitih prihoda
- Naknade za realizaciju usluga
- Raspodjela vlastitih prihoda
- Praćenje naplate i raspoređivanje vlastitih prihoda
- Izvještaj o utrošku vlastitih prihoda

#### Član 2.

(Pravni osnov)

Pravni osnov za donošenje Pravilnika je Zakon o srednjem obrazovanju ("Sl.novine Kantona Sarajevo" broj: 23/17, 30/19 i 33/19).

### II VRSTE I UPLATE JAVNIH PRIHODA

#### Član 3.

(Vrste javnih prihoda)

Gimnazija stiče javne prihode po osnovu:

1. izdavanja prepisa /duplikata dokumenata,
2. izdavanja opreme i prostora u zakup,
3. prodaje otpadnog materijala,
4. reklamno propagandnih usluga,
5. realizacije pedagoško-metodičke prakse studenata (hospitovanje),
6. ustupanje tenderske dokumentacije u postupku javnih nabavki i
7. kopiranje i uvezivanje pisanog materijala

#### Član 4.

(Uplata vlastitih javnih prihoda )

(1) Gimnazija vlastite javne prihode uplaćuju se na depozitne račune javnih prihoda u skladu sa propisom kojim se uređuje način uplate javnih prihoda budžeta i vanbudžetskih fondova na teritoriji Federacije BiH.

(2) Gimnazija je odgovorna za blagovremenu naplatu potraživanja po osnovu vlastitih javnih prihoda, kao i poduzimanje svih mjera za njihovu realizaciju.

(3) Naplaćena sredstva na ime vlastitih javnih prihoda koja su ostvarena gotovinskim plaćanjem i za koje ne postoji mogućnost bezgotovinskog plaćanja evidentiraju se i uplaćuju na depozitni račun najkasnije sljedeći radni dan po prijemu uplate.

(4) Zabranjeno je evidentiranje i plaćanje vlastitih javnih prihoda na bilo koji način koji je u suprotnosti sa odredbama ovog Pravilnika, kao i člana 8. Pravilnika o vrstama vlastitih javnih prihoda u Federacije BiH ( Službene novine Federacije BiH" broj 104/22).

### III- NAKNADE ZA REALIZACIJU USLUGA I RASPODJELA VLASTITIH PRIHODA

#### Član 5 .

(Naknada za realizaciju usluga)

Naknada za realizaciju usluga utvrđuje se kako slijedi:

1. Izdavanje prepisa/duplikata dokumenata:

Izdavanje izvoda iz nastavnog plana i programa	66 KM
--	-------

2. Izdavanja opreme i prostora u zakup

Izdavanje opreme i prostora pod zakup kao i visinu naknade za zakupninu utvrđuje Školski odbor Gimnazije, a u skladu sa zakonom i podzakonskim aktima kojima se reguliše izdavanje poslovnih zgrada prostorija.

3. Visina naknada za realizaciju ostalih usluga:  
Visina naknade za ostale usluge koje realizuje Gimnazija, a koje su navedene u članu 2. ovoga pravilnika, a pod rednim brojevima: 3.4.5.6. i 7. utvrđuje Školski odbor Gimnazije.

#### Član 6.

#### (Raspodjela vlastitih prihoda )

(1) Ostvareni vlastiti javni prihodi u cjelosti se raspoređuju budžetskom korisniku koji je prihod ostvario.

(2) Način raspodjele vlastitih javnih prihoda:

a. prihodi koje budžetski korisnici ostvare po osnovu izdavanja prepisa/duplikata dokumenata-izdavanje izvoda iz nastavnog plana i programa, raspoređuju se na sljedeći način:

- 40% za materijalne troškove, tekuće održavanje i nabavku opreme;
- 30% za naknadu radnicima koji su sudjelovali u realizaciji poslova i to:

- raspodjela za izdavanje izvoda iz nastavnog plana i programa

Raspodjela radnicima koji su sudjelovali u realizaciji poslova	PROCENAT
Pomoćnik direktora	40
Saradnik za finansijske I računovodstvene poslove	30
Direktor škole	30

- 30% za stručno usavršavanje, sportske i kulturne aktivnosti, takmičenja, nagrade učenicima i ostale namjene.

b. prihodi koje budžetski korisnik ostvari po osnovu reklamno-propagandnih usluga, izdavanja opreme i prostora u zakup, ustupanja tenderske dokumentacije, kopiranja i uvezivanja pisanog materijala raspoređuju se na sljedeći način:

- 70% za materijalne troškove, tekuće održavanje i nabavku opreme i

- 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
- c. prihodi koje budžetski korisnik ostvari po osnovu prodaje otpadnog materijala, raspoređuju se na sljedeći način:
- 20% za materijalne troškove, tekuće održavanje i nabavku opreme
  - 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

#### IV PRAĆENJE NAPLATE I RASPOREĐIVANJE VLASTITIH PRIHODA

##### Član 7.

(Praćenje naplate i raspoređivanje vlastitih prihoda)

1. Gimnazija je dužna da redovno prati, putem Izvještaja koje dobije od Ministarstva finansija, dospelost i naplatu vlastitih prihoda.
2. Gimnazija je odgovorna za potpuno i pravovremeno uplaćivanje vlastitih prihoda na depozitni račun.
3. Gimnazija je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršenja Budžeta.
4. Vlastiti javni prihodi moraju se utrošiti do kraja budžetske godine, a neutrošeni dio vlastitih javnih prihoda postaje javni prihod Budžeta naredne godine.

#### V – IZVJEŠTAJ O UTROŠKU

##### Član 8.

(Izvještaj o utrošku)

Gimnazija, najmanje jedanput u šest mjeseci Ministarstvu za odgoj i obrazovanje dostavlja Izvještaj o ostvarivanju i utrošku vlastitih sredstava.

#### VI - ZAVRŠNE ODREDBE

##### Član 9.

(Stupanje na snagu)


- (1) Školski odbor JU Peta gimnazija donosi Pravilnik o vlastitim prihodima, a isti stupa na snagu danom zaprimanja saglasnosti Vlade Kantona Sarajevo.

(2) Pravilnik se objavljuje na oglasnoj ploči škole i web stranici škole.

## Član 10.

(Prestanak važenja prethodnog Pravilnika)

Stupanjem na snagu ovog Pravilnika prestaju da važe Pravilnik o kriterijima za sticanje i raspodjelu vlastitih prihoda JU Peta gimnazija, broj:01-03-2765/2019. od 18.09.2019. godine.



Sarajevo, 13.12.2023. . godine

Broj: 01-03-4104/2023.

---

Pravilnik o kriterijima za sticanje i raspodjelu vlastitih prihoda JU Peta gimnazija Sarajevo I Odluka o usvajanju istog postavljene na:

- oglasnu ploču JU Peta gimnazija dana 20.03.2024.g.
- internet stranicu JU Peta gimnazija dana 20.03.2024.g.